

სახელმწიფო შესყიდვის შესახებ ხელშეკრულება N

ქ. თბილისი

____ დეკემბერი, 2021 წელი

შემსყიდველი: სსიპ „საქართველოს ეროვნული ბანკი“, აღმასრულებელი დირექტორის ვახტანგ ბურკიაშვილის სახით;

მისამართი: თბილისი, 0114, სანაპიროს 2;

საიდენტიფიკაციო კოდი: 203 824 148.

მიმწოდებელი: შპს „საქართველოს სერვისკომპანი +“, დირექტორის ლევან გავაზელის სახით;

მისამართი: ქ. თბილისი, თემქა, 4 მ/რნ, 5 კორპ, ბ 98.

საკონტაქტო ინფორმაცია: ტელ: 599 44 50 24, ელ. ფოსტა: Levanigavazeli@gmail.com

საიდენტიფიკაციო კოდი: 200268389

საბანკო რეკვიზიტები: სს „საქართველოს ბანკი“, BAGAGE22, GE83BG0000000266494400

ერთის მხრივ შემსყიდველი და მეორეს მხრივ, მიმწოდებელი „სახელმწიფო შესყიდვების შესახებ“ კანონის და მიმწოდებლის სატენდერო წინადადების საფუძველზე, ელექტრონული ტენდერის (სატენდერო განცხადება NAT210022417) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულების საგანი

1.1. წინამდებარე ხელშეკრულების საგანს წარმოადგენს საქართველოს ეროვნული ბანკის ოფისებში (ქ. თბილისი, სანაპიროს ქ. N2, ქავთარაძის ქ. I შეს. N10, ქ. ყვარელი რუსთაველის ქ. N10) სადებიზინფექციო სამუშაოების ჩატარების (შემდგომში „მომსახურება“) მომსახურების შესყიდვა ამ ხელშეკრულების პირობების და დანართში N1 მოცემული ტექნიკური მოთხოვნების შესაბამისად (CPV კოდი - 90921000);

1.2. დანართები N1 და N2 წარმოადგენს ხელშეკრულების განუყოფელ ნაწილს.

მუხლი 2. ხელშეკრულების შესრულების კონტროლი

2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი, რომლის მიზანია მომსახურების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

2.2. ხელშეკრულების 2.1 პუნქტით გათვალისწინებულ კონტროლს შემსყიდველის მხრიდან განახორციელებს სებ-ის შესყიდვებისა და ლოჯისტიკის დეპარტამენტის უფროსი და ამავე დეპარტამენტის ლოჯისტიკის განყოფილების უფროსი ან/და მათ მიერ უფლებამოსილი პირ(ებ)ი.

2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 3. მომსახურების მიღება-ჩაბარების წესი

3.1. მომსახურება უნდა განხორციელდეს, პერიოდულად, 2022 წლის 01 იანვრიდან 2022 წლის 31 დეკემბრის ჩათვლით.

3.2. მომსახურება უნდა განხორციელდეს შემსყიდველის მოთხოვნების შესაბამისად, სსიპ საქართველოს ეროვნული ბანკის ოფისების მთლიან ტერიტორიაზე (იატაკები, მაგიდები, სავარძლები, ხალიჩები, კიბეები, საპირფარეშოები, სხვადასხვა ზედაპირები, თანამშრომლის სამუშაო სივრცეები, სახელოურები, კარები, მოაჯირები, ლიფტები და სხვ.). აღნიშნული სამუშაოები უნდა განხორციელდეს არასამუშაო საათებში ან უქმე/დასვენების დღეებში ეროვნული ბანკის წარმომადგენლის თანდასწრებით დანართში N1 მითითებულ მისამართებზე.

3.3. მომსახურება ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.

3.4. მომსახურების შესახებ მიღება-ჩაბარების აქტი გაფორმდება ყოველი თვის ბოლოს შესაბამის საანგარიშო პერიოდში გაწეული მომსახურების გათვალისწინებით.

3.5. მომსახურების მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

3.6. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული მომსახურების და წუნდების მიზეზის მითითებით.

3.7. შემსყიდველის მხრიდან 3.3. პუნქტში აღნიშნული მიღება-ჩაბარების აქტის ხელმოწერი პირია სებ-ის შესყიდვების და ლოჯისტიკის დეპარტამენტის უფროსი.

მუხლი 4. ხელშეკრულების ფასი და ანგარიშსწორების წესი

4.1. წინამდებარე ხელშეკრულებით გათვალისწინებული მომსახურების საერთო სავარაუდო ღირებულება შეადგენს 4 222.80 (ოთხი ათას ორას ოცდაორი ლარი და 80 თეთრი) ლარს („ხელშეკრულების ფასი“) წინამდებარე ხელშეკრულების დანართში N2 მოცემული ფასების ცხრილის შესაბამისად.

4.2. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

4.3. ფაქტიურად გაწეული მომსახურების ღირებულების ანაზღაურება მოხდება ლარში, უნაღდო ანგარიშსწორებით.

4.4. ანგარიშსწორება ხორციელდება წინამდებარე ხელშეკრულების 3.3 ქვეპუნქტის შესაბამისად შესყიდვის ობიექტის მიღებიდან და მიმწოდებელის მიერ სათანადო დოკუმენტაციის წარმოდგენიდან (იმისდამხედველად რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

მუხლი 5. მხარეთა უფლება-მოვალეობები

5.1. შემსყიდველს უფლება აქვს:

5.1.1. მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული მომსახურება.

5.1.2. არ შეისყიდოს ამ ხელშეკრულებით გათვალისწინებული მომსახურების სრული რაოდენობა.

5.2. შემსყიდველი ვალდებულია გადაუხადოს მიმწოდებელს ფაქტიურად გაწეული მომსახურების ფასი ხელშეკრულებით გათვალისწინებული პირობების შესაბამისად.

5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას გაუწიოს შემსყიდველს ხელშეკრულებით გათვალისწინებული მომსახურება.

5.4. მიმწოდებელს უფლება აქვს გაწეული მომსახურების სანაცვლოდ მიიღოს ხელშეკრულებით გათვალისწინებული ფასი.

მუხლი 6. მხარეთა პასუხისმგებლობა ხელშეკრულების პირობების შეუსრულებლობისათვის

6.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.

6.2. მიმწოდებლის მიერ ხელშეკრულებით ნაკისრი ვალდებულებების არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ყოველი ვადაგადაცილებული დღისათვის.

6.3. მიმწოდებლის მიერ ხელშეკრულების ნაწილობრივ შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შესასრულებელი (დარჩენილი) ვალდებულების შესაბამისი ღირებულების 10%-ის ოდენობით.

6.4. საჯარიმო სანქციების გადახდა შესაძლებელია მოხდეს მიმწოდებლისთვის ასანაზღაურებელი თანხიდან გამოქცითვის საშუალებით.

6.5. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,02%-ის ოდენობით.

6.6. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.

6.7. იმ შემთხვევაში, თუ 6.2 პუნქტში აღნიშნული ვადაგადაცილება მიაღწევს 10 დღეს, შემსყიდველს უფლება აქვს ცალმხრივად შეწყვიტოს ხელშეკრულება მიმწოდებლის მიერ ვალდებულებების შეუსრულებლობის მოტივით. ამ შემთხვევაში გამოყენებული იქნება 6.1 ან 6.3 პუნქტით გათვალისწინებული სანქციები.

მუხლი 7. ხელშეკრულებაში ცვლილების შეტანა და ხელშეკრულების შეწყვეტა

7.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

7.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების

შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

7.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

7.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

7.5. მხარე ვალდებულია 7.4 პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

7.6. შემსყიდველი უფლებამოსილია ცალმხრივად შეწყვიტოს ხელშეკრულება იმ შემთხვევაში, თუ აღნიშნულის შესახებ 30 დღით ადრე წერილობით აცნობებს მიმწოდებელს.

7.7. ხელშეკრულება ასევე შეიძლება შეწყდეს მხარეთა, ურთიერთშეთანხმების საფუძველზე.

მუხლი 8. კონფიდენციალურობა და ინფორმაციული უსაფრთხოება

8.1. მიმწოდებელი იღებს ვალდებულებას დაიცვას ამ ხელშეკრულების ფარგლებში შემსყიდველის მხრიდან მიღებული კონფიდენციალური ინფორმაციის კონფიდენციალურობა.

8.2. მიმწოდებელი იღებს ვალდებულებას შემსყიდველის წინასწარი წერილობითი თანხმობის გარეშე არ გაამჟღავნოს ან გახადოს ხელმისაწვდომი ნებისმიერი ფორმით და ნებისმიერი სახით კონფიდენციალური ინფორმაცია მესამე პირებისათვის ან განიხილოს მესამე პირთან ასეთი კონფიდენციალური ინფორმაციის შინაარსი. მიმწოდებელს შეუძლია ასეთი კონფიდენციალური ინფორმაცია შემსყიდველის წინასწარი წერილობითი თანხმობის გარეშე გასცეს საკუთარ თანამშრომლებზე და მხოლოდ იმ თანამშრომლებზე და იმ მოცულობით, რაც საჭიროა მათი მხრიდან ფუნქციების შესასრულებლად.

8.3. მიმწოდებელმა უნდა უზრუნველყოს, ამ მუხლის შინაარსის თავისი თანამშრომლებისთვის გაცნობა და კონფიდენციალურობის მოთხოვნების მკაცრი დაცვა.

8.4. მიმწოდებელი უფლებამოსილია მიაწოდოს კონფიდენციალური ინფორმაცია მის ქვეკონტრაქტორებს, რათა მათ შეასრულონ სამუშაოსთან დაკავშირებული ვალდებულებები. კონფიდენციალური ინფორმაციის მიწოდებამდე ქვეკონტრაქტორებმა მიმწოდებელთან უნდა დადონ კონფიდენციალური ინფორმაციის არ გამჟღავნების შესახებ შეთანხმება, რომელიც შესაბამისობაში იქნება წინამდებარე მუხლთან.

8.5. ამ მუხლის 8.6 პუნქტის დაურღვევლად, წინამდებარე მუხლით გათვალისწინებული ვალდებულებები ინარჩუნებენ იურიდიულ ძალას ხელშეკრულების შეწყვეტის შემდეგაც.

8.6. იმ შემთხვევაში, თუ ხელშეკრულების ორივე მხარე შეთანხმდება ამ მუხლით გათვალისწინებული ვალდებულებების შეწყვეტაზე, მხარეებმა ერთმანეთს უნდა დაუბრუნონ ყველა ის კონფიდენციალური ინფორმაცია, რაც მათ მიიღეს წინამდებარე ხელშეკრულების ფარგლებში ან შეთანხმებით გაანადგურონ ის.

8.7. მომწოდებელი ვალდებულია დაიცვას შემსყიდველის შესახებ ინფორმაციასთან (შემდგომში:

ინფორმაცია) დაკავშირებით ISO/IEC 27001 სტანდარტით განსაზღვრული, ქვემოთ მოცემული მოთხოვნები:

ა) მომწოდებელი ვალდებულია სებ-ის მიერ ელექტრონულ ფორმატში მიწოდებულ ინფორმაციაზე განახორციელოს ლოგიკური ან ფიზიკური წვდომის კონტროლი, რათა არ დაირღვეს ინფორმაციის კონფიდენციალობა, ხელმისაწვდომობა და მთლიანობა

ბ) მომწოდებელი ვალდებულია სებ-ის მიერ მატერიალური ფორმით მიწოდებული ინფორმაცია შეინახოს უსაფრთხოდ, რათა არ დაირღვეს ინფორმაციის კონფიდენციალობა, ხელმისაწვდომობა და მთლიანობა.

გ) მომწოდებელი ვალდებულია წინამდებარე სახელშეკრულებო ურთიერთობის დასრულებიდან უმოკლეს ვადებში, ელექტრონული ან/და მატერიალური სახით არსებული კონფიდენციალური ინფორმაცია, გაანადგუროს ისე, რომ არ მოხდეს მისი აღდგენა, რათა არ გახდეს ხელმისაწვდომი არავტორიზებულ პირთათვის.

მუხლი 9. შრომის უსაფრთხოება

9.1. მიმწოდებელი აცხადებს და გარანტიას იძლევა, რომ შემსყიდველთან ხელშეკრულებიდან გამომდინარე ურთიერთობისას იცავს შრომის უსაფრთხოების სფეროში საქართველოს კანონმდებლობით დადგენილ მოთხოვნებს და იღებს ყველა საჭირო და პროპორციულ ზომას, რათა უზრუნველყოს მისი დასაქმებულების შრომის უსაფრთხოება შემსყიდველის სამუშაო სივრცეში.

9.2. მიმწოდებლის დასაქმებული ვალდებულებაა შემსყიდველის სამუშაო სივრცეში დაიცვას შემსყიდველის შრომის უსაფრთხოებასთან დაკავშირებული დოკუმენტებით დადგენილი მოთხოვნები და მისი მითითებები/ინსტრუქციები, რომელსაც დეტალურად გაეცნო ამ ხელშეკრულების გაფორმებამდე, წინააღმდეგ შემთხვევაში ეროვნული ბანკი თავისუფლდება ყველანაირი პასუხისმგებლობისგან.

9.3. მიმწოდებელი ვალდებულია სამუშაოების წარმოებისას სრულად დაიცვას საქართველოში კორონა ვირუსის „COVID-19“-ის გავრცელების პრევენციასთან დაკავშირებული მოქმედი მარეგულირებელი და ნორმატიული დოკუმენტებით განსაზღვრული მოთხოვნები/პროტოკოლი.

მუხლი 10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით ამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

10.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთ შეთანხმების

გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 12. ხელშეკრულების მოქმედების ვადა

ხელშეკრულება ძალაში შედის 2022 წლის 01 იანვრიდან და მოქმედებს სულ მცირე 30 დღის განმავლობაში მხარეთა მიერ ვალდებულებების სრულად შესრულების დღიდან, მაგრამ არაუგვიანეს 2023 წლის 31 იანვრისა.

მუხლი 13. ზოგადი დებულებები

13.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

13.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

13.3. ხელშეკრულება შედგენილია ქართულ ენაზე და დამოწმებულია მხარეთა კვალიფიციური ელექტრონული ხელმოწერით/შტამპით.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

მიმწოდებლის მხრიდან:

ვახტანგ ბურკიაშვილი _____

ლევან გაგაზელი _____

აღმასრულებელი დირექტორი

დირექტორი

ტექნიკური დავალება

შესყიდვის ობიექტი: სსიპ საქართველოს ეროვნული ბანკის ოფისებში (თბილისი: სანაპიროს ქ.N2 პეტრე ქავთარაძის I შესახვევი N10; ქ. ყვარელი, შ. რუსთაველის ქ.N10) სადებიზინფექციო სამუშაოების ჩატარება.

სადებიზინფექციო სამუშაოები უნდა ჩატარდეს, პერიოდულად, ხელშეკრულების გაფორმებიდან (მაგრამ არაუადრეს 2022 წლის 01 იანვრისა) 2022 წლის 31 დეკემბრის ჩათვლით. სამუშაოები ჩატარდება შემსყიდველის მოთხოვნების შესაბამისად, სსიპ საქართველოს ეროვნული ბანკის ოფისების მთლიან ტერიტორიაზე (იატაკები, მაგიდები, სავარძლები, ხალიჩები, კიბეები, საპირფარეშოები, სხვადასხვა ზედაპირები, თანამშრომლის სამუშაო სივრცეები, სახელოურები, კარები, მოაჯირები, ლიფტები და სხვ.). აღნიშნული სამუშაოები უნდა განხორციელდეს ობიექტებზე არასამუშაო საათებში ან უქმე/დასვენების დღეებში ეროვნული ბანკის წარმომადგენლის თანდასწრებით.

1. ცხრილში N1 მოცემულია ოფისების მისამართები, დასამუშავებელი ფართები და სამუშაოების ჯერადობა.

ცხრილი N1:

N	მომსახურების აღწერილობა	ოფისების მისამართები	ფართი ოფისების მიხედვით (კვ.მ)	საერთო ფართი (კვ.მ)	დამუშავების სავარაუდო რაოდენობა/ჯერადობა
1	დებიზინფექცია	თბილისი, სანაპიროს ქ. N2	5800	6129	60
		თბილისი, პეტრე ქავთარაძის I-ლი შეს. N10	86		60
		ქ. ყვარელი, შ. რუსთაველის ქ. N10	243		60

2. მიმწოდებელმა აღნიშნული სამუშაოები უნდა განახორციელოს სსიპ ლ.საყვარელიძის სახელობის დაავადებათა კონტროლისა და საზოგადოებრივი ჯანმრთელობის ეროვნული ცენტრის რეკომენდაციების შესაბამისად, რომლის მიხედვით განსაზღვრულია ვირუსთან საბრძოლველად ეფექტური შემდეგი ქიმიური ნივთიერებების კონცენტრატები: ანტიმიკრობული აგენტები, რომლებიც ეფექტურია სხვადასხვა კოროვირუსების საწინააღმდეგოდ (ადამიანის კორონავირუსი 229E (HCoV-229E), და მძიმე მწვავე რესპირატორული სინდრომის კორონავირუსი (SARS) -CoV).

3. მიმწოდებლის მიერ მომსახურების განხორციელებისას გამოყენებული სადეზინფექციო პრეპარატები/ხსნარები რეგისტრირებული უნდა იყოს დაავადებათა კონტროლისა და საზოგადოებრივი ჯანმრთელობის ეროვნული ცენტრის მიერ გამოქვეყნებულ სადეზინფექციო საშუალებების ნუსხაში.

4. მომსახურების გაწევისას მიმწოდებელმა სადეზინფექციო პრეპარატები/ხსნარები უნდა წარმოადგინოს შესაბამისი ეტიკეტირებული შეფუთვით და განაზავოს შემსყიდველის უფლებამოსილი პირის თანდასწრებით.

5. სადეზინფექციო სამუშაოების ჩატარებისას მიმწოდებელმა აუცილებლად გაითვალისწინოს შემდეგი რეკომენდაციები:

) დასუფთავება უნდა განხორციელდეს შესაბამისი ინდივიდუალური დაცვის საშუალებების გამოყენებით;

) ერთჯერადი ინდივიდუალური დაცვის საშუალებები უნდა განიხილებოდეს, როგორც პოტენციური ინფექციური მასალა და განადგურებულ უნდა იქნას დამტკიცებული წესების შესაბამისად.

) რეკომენდებულია ერთჯერადი ან სპეციალური დანიშნულების დასუფთავების მოწყობილობის გამოყენება.

) ყველა ქიმიური ნაწარმის გამოიყენებისას, დაცული უნდა იყოს მწარმოებლის რეკომენდაციები.

) დეზინფექციის მიზნით ქიმიური ნაწარმის გამოყენებისას აუცილებელია ობიექტის განიავება, დეზინფექციის განმახორციელებელი პირების ჯანმრთელობის დასაცავად.

✓ ცხრილში N1 მოცემული სადეზინფექციო სამუშაოების რაოდენობა სავარაუდოა და შემსყიდველი არ არის ვალდებული სრულად გამოიყენოს აღნიშნული რაოდენობები;

შემსყიდველის მხრიდან:

მიმწოდებლის მხრიდან:

ვახტანგ ბურკიაშვილი _____

ლევან გავაზელი _____

აღმასრულებელი დირექტორი

დირექტორი

დანართი N2

ფასების ცხრილი

N	მომსახურების აღწერილობა	ოფისების მისამართები	ფართი ოფისების მიხედვით (კვ.მ)	საერთო ფართი (კვ.მ)	დამუშავების სავარაუდო რაოდენობა/ჯერადობა	ერთეული ღირებულება (ერთი კვ.მ დამუშავების ღირებულება)	საერთო ღირებულება (=4*6*7)
1	2	3	4	5	6	7	8
1	დეზინფექცია	თბილისი, სანაპიროს ქ . 2	5800	6129	60	0,011 ლარი	3828.00 ლარი
		თბილისი, პეტრე ქავთარაძის I-ლი შეს. N10	86		60	0,02 ლარი	103.20 ლარი
		ქ. ყვარელი, შ. რუსთაველის ქ. N10	243		60	0,02 ლარი	291.60 ლარი
	სულ:						4222.80 ლარი

შემსყიდველის მხრიდან:

ვახტანგ ბურკიაშვილი _____

აღმასრულებელი დირექტორი

მიმწოდებლის მხრიდან:

ლევან გავაზელი _____

დირექტორი